

BOSNA I HERCEGOVIMA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj:
Gračanica, _____ 2026. godine

Na osnovu člana 13. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013), člana 13. stav 2. alineja 5. Zakona o principima lokalne samouprave u Federaciji Bosni i Hercegovini („Službene novine Federacije Bosne i Hercegovine“, broj: 49/06 i 51/09) i člana 16. Statuta Grada Gračanica („Službeni glasnik Grada Gračanica“, broj: 01/23) Gradsko vijeće Gračanica, na sjednici održanoj dana _____ 2026. godine, d o n o s i

O D L U K U

**o davanju saglasnosti za izgradnju elektroenergetskog objekta
STS-B 10(20)/0,4 kV „Škahovica 2“ sa priključnim 10(20) kV vodom**

Član 1.

Daje se saglasnost za izgradnju stubne transformatorske stanice STS-B 10(20)/0,4kV „Škahovica 2“ na zemljištu označenom kao k.č. broj: 1818 „NJIVA“, prilazni put površine 541m², upisan u posjedovni list broj: 108 k.o. Škahovica kao Javni put sa udjelom 1/1, a u zemljišnoj knjizi kao k.č. broj: 1818 k.o. Škahovica, „NJIVA“, površine 541m² upisan u zemljišnoknjižni uložak broj: 1648 k.o. Škahovica kao Javno dobro sa priključnim 10(20)kV kablovskim vodom preko zemljišta označenog sa k.č. broj: 2584 (n.p.), „VINO“, prilazni put površine 4623m², upisan u posjedovni list broj: 108 k.o. Škahovica kao Javni put sa udjelom 1/1, a u zemljišnoj knjizi kao k.č. broj: 119 (s.pr.) k.o. Škahovica, „PUT“, površine 3120m² upisan u zemljišnoknjižni uložak broj: 238 k.o. Škahovica kao Javno dobro.

Član 2.

Investitor izgradnje stubne transformatorske stanice STS-B 10(20)/0,4kV „Škahovica 2“ sa priključnim 10(20)kV kablovskim vodom je J.P. Elektroprivreda BiH d.d. Sarajevo Podružnica „Elektro distribucija“ Tuzla, a ista će se graditi prema urbanističko-tehničkim i ostalim uslovima datim u Rješenju o urbanističkoj saglasnosti broj: 06-19-01098-2023 od 22.05.2023.godine i Rješenju o prokopavanju javne površine broj: 06-19-01759-2023 od 11.03.2025.godine, donesenim od strane Službe za prostorno uređenje, geodetske i imovinsko-pravne poslove Grada Gračanica.

Svrha izgradnje elektroenergetskog objekta je priključak transformatorske stanice na distributivnu mrežu.

Član 3.

Objekat transformatorske stanice gradit će se okviru parcele k.č. broj: 1818 k.o. Škahovica. Transformatorska stanica se postavlja na AB stub koji se montira na betonski temelj, a na stub se montira potrebna oprema za transformatorsku stanicu.

Priključak na transformatorsku stanicu se izvodi priključnim 10(20)kV kablovskim vodom 12/20 kV tip XHE 49-A3 x (1x150/25mm²) – podzemno.

Trasa priključnog kabla prelazi preko parcele - javnog puta označenog sa k.č. broj: 2584 (n.p.), a što odgovara k.č. broj: 119 (s.pr.) k.o. Škahovica. Početna tačka kablovskog voda je novi AB stub 12/1000 koji se ugrađuje na mjesto postojećeg stuba 12/315 P-3 u trasi postojećeg dalekovoda 10 kV „Gračanica 3“. Trasa priključnog voda nastavlja zapadno duž javnog puta k.č. broj: 2584 k.o. Škahovica do krajnje tačke-nove STS-B 10(20)/0,4 kV „Škahovica 2“ na parceli označenoj sa k.č. broj: 1818 k.o. Škahovica.

Član 4.

Radovi na izgradnji elektroenergetskog objekta i polaganju priključnih kablova iz člana 1. ove Odluke moraju se izvoditi tako da ne smiju ugroziti sigurnost saobraćaja, stabilnost i funkciju javnog puta, niti prava trećih lica, te se mora obezbijediti nesmetano korištenje puta tokom i nakon izvođenja radova. Investitor je dužan, nakon završetka radova, javni put i okolni teren dovesti u prvobitno stanje.

Član 5.

Ova Odluka stupa na snagu danom objavljivanja u "Službenom glasniku Grada Gračanica"

**PREDSJEDAVAJUĆI
GRADSKOG VIJEĆA**

Mirza Okić

O b r a z l o ž e n j e

Gradskom vijeću Gračanica, obratila se JP „Elektroprivreda BiH“ d.d. Sarajevo, podružnica „Elektrodistribucija“ Tuzla zahtjevom broj: 03-72-3-968-1/2026 od 16.01.2026.godine, za realizaciju projekta izgradnje elektroenergetskog objekta: STS-B 10(20)/0,4 kV „Škahovica 2“ sa priključnim 10(20) kV vodom na lokaciji Škahovica, Grad gračanica.

Kako bi izgradili pomenuti elektroenergetski objekat potrebno je prethodno pribaviti Rješenje o odobrenju za izgradnju, u skladu sa Zakonom o prostornom uređenju i građenju Tuzlanskog kantona („Službene novine Tuzlanskog kantona“, broj: 6/11, 4/13, 15/13, 3/15, 2/16, 14/17, 22/22 i 20/23), samim tim i riješiti imovinsko-pravne odnose sa vlasnikom parcele na kojim je planirana izgradnja pomenutog elektroenergetskog objekta.

Kako se izgradnja planira na zemljištu označenom sa k.č. broj: 1818 k.o. Škahovica upisan kao Javni put sa udjelom 1/1 i k.č. broj: 2584 (n.p.), a u zemljišnoj knjizi kao k.č. broj: 119 (s.pr.) k.o. Škahovica, kao Javno dobro, članom 58. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013), definisano je da:

„Zaštitni pojas uz javne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste. U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste organ nadležan za prostorno uređenje obavezan je zatražiti prethodnu saglasnost, odnosno odobrenje od upravitelja ceste.“

Članom 13. Zakona o cestama Federacije Bosne i Hercegovine („Službene novine Federacije Bosne i Hercegovine“, broj: 12/2010, 16/2010 - ispr. i 66/2013) definisano je da:

„Upravljanje, građenje, rekonstrukciju, održavanje i zaštitu lokalnih cesta i gradskih ulica vrše nadležni općinski ili gradski organi.“

Elektroenergetski objekat bi se gradio na putnom zemljištu, izvan kolovoza i putnog pojasa tako da ne bi bio smetnja normalnom odvijanju saobraćaja.

S obzirom da su ispunjeni zakonom propisani uslovi predlažemo Gradskom vijeću da Odluku usvoji nakon čega će investitor radova ishodovati potrebno Rješenje o odobrenju za izgradnju i početi sa realizacijom izgradnje navedenog elektroenergetskog objekta.